

第三四五册

明倫彙編

氏族典

(卷)

歸衣飛肥幾非貢

希姓依威諸姓部

魚徐姓部

徐姓部

余姓部

舒廬諸姓部

於胥居遜初茹疏

疎櫟漁姓部

閻渠如璩沮餘絮

宜虛與書鉏譽姓

與燈諸姓部

虞姓部

朱姓部

五

五

五

五

五

五

五

五

五


五

五

五

古今圖書集成

中華書局影印



古今圖書集成

中華書局影印

欽定古今圖書集成明倫彙編氏族典

第五十四卷目錄

歸姓部彙考

鄭樵通志以姓為氏

廖用賢尚友錄歸姓

歸姓部列傳

唐

歸崇敬

歸融

歸仁晦

歸仁憲

歸仁澤

歸保

後唐

歸守明

宋

歸肇

元

歸陽

明

歸思

歸鳳

歸緒

歸有光

歸可正

歸子顧

歸仁

歸鉞

歸本

歸有陞

歸子慕

歸彞

衣姓部彙考

鄭樵通志平聲

王應麟姓氏急就篇衣氏

衣姓部列傳

明

衣勉仁

衣守信

衣惟孝

衣永美

衣應運

衣思德

飛姓部彙考

凌迪知萬姓統譜飛姓

飛姓部列傳

商

飛廉

周

飛衛

宋

飛英

明

飛濤

肥姓部彙考

鄭樵通志以姓為氏

肥姓部列傳

周

肥義

肥赫

肥誠

後漢

肥親

幾姓部彙考

鄭樵通志以名為氏

幾姓部列傳

周

幾瑟

非姓部彙考

凌迪知萬姓統譜非姓

非姓部列傳

周

非子

漢

非調

賁姓部彙考

鄭樵通志以字為氏
平聲

賁姓部列傳

周

賁浦

漢

賁赫

賁麗

明

賁勝

肥韶

周 希寫 希卑

漢 希海

宋 希績

依姓威姓畿姓旂姓祀姓稀姓暉姓微姓部彙考

國語 音語

鄭樵通志 以證為氏 外國大姓 凌迪知萬姓統譜 蘇姓 譚姓 稀姓 暉姓

氏族典第五十四卷

歸姓部彙考

鄭樵通志

以姓為氏

歸氏姓也未詳得姓之始左傳胡子國姓歸為楚所滅子孫或以國為氏或以姓為氏以姓為氏者世居吳郡

廖用賢尚友錄

歸姓

歸京兆徵音春秋晉有歸生婦人也子孫因為姓又左傳云胡子國歸姓為楚所滅後以為氏

歸姓部列傳

唐

歸崇敬

按唐書歸崇敬傳崇敬字正禮蘇州吳人治禮家學多識客典擢明經遭父喪孝聞鄉里調國子直講天寶中舉博通墳典科對策第一遷四門博士有詔舉才可宰百里者復策高等授左拾遺肅宗次靈武再遷起居郎贊善大夫史館修撰兼集賢殿校理修國史儀注以貧求解歷同州長史潤州別駕未幾有事橋陵建陵召還參掌儀典改主客員外郎復兼修撰代宗幸陝名問得失大厯初授倉部郎中充平祭冊立新羅使還授國子司業兼集賢學士八年遣祀衡山還坐史給粟錢不實貶饒州司馬德宗立召還復拜國子司業稍遷翰林學士左散騎常侍充皇太子侍讀又兼晉王元帥參謀封餘姚郡公遷工部尚書年老以兵部尚書致仕卒年八十八贈尚書左僕射諡曰宣

歸登

按唐書歸崇敬傳崇敬子登字冲之事繼母篤孝大曆中舉孝廉高第貞元初策賢良為右拾遺裴延齡得幸德宗欲遂以相右補闕熊執易疏論之以示登登動容曰願竄吾名雷寔之下君難獨處故同列有所諫正輒聯署無所回諱轉右補闕起居舍人凡十五年遷兵部員外郎順宗即位以東宮恩超拜給事中遷工部侍郎復為皇太子諸王侍讀徙左散騎常侍入謝憲宗問政所先登知帝磨而果於斷勸順納諫爭內外傳為諫言後判國子祭酒事進工部尚書累封長洲縣男卒年六十七贈太子少師諡曰憲

歸融

按唐書歸融傳崇敬子登登子融字章之元和中和及進士第累遷左拾遺事文宗為翰林學士進至戶部侍郎開成初拜御史中丞遷京兆尹李固言為相惡之徙祕書監固言罷權知兵部侍郎歲間出為山南西道節度使徙東川遷歷兵部尚書累封晉陵郡公辭疾以太子少傅分司東都大中七年卒贈尚書左僕射

歸珖

按萬姓統譜珖實曆間為餘杭令因漢陳渾故迹置上下湖溉田千頃又築甬道通西北大路高廣徑直百餘里行旅無山水之患

歸仁晦

按蘇州府志融子仁晦登第

歸仁翰

按蘇州府志融子仁翰登第

歸仁憲

按蘇州府志融子仁憲登第

歸仁紹

按蘇州府志融子仁紹登第

歸仁澤

按蘇州府志融子仁澤登第

歸薦

按萬姓統譜萬字文彥融子擢進士備歷三署爲尚書丞還侍郎以太子賓客致仕

歸保

按萬姓統譜融子仁晦仁翰仁憲仁紹仁澤萬保俱同榜同科

後唐

歸守明

按萬姓統譜守明閩王璘臣

宋

歸肇

按萬姓統譜肇河內人知無爲軍事

元

歸賜

按元史歸賜傳賜字彥溫汴梁人將生其母楊氏夢朝日出東山上有輕雲來掩之故名賜學無師傳而精敏過人登至順元年進士第授同知潁州事轉大都路儒學提舉未上至元五年祀縣人范孟謀不軌使賜北守黃河口賜力拒不從賊怒繫於獄同里有吳炳者嘗以翰林待制徵不起賊呼炳司卯酉曆炳不敢辭時人爲之語曰歸賜出角吳炳無光賜自此名譽赫然明年轉國子博士拜監察御史及入謝臺

臣奏曰此即河南抗賊者也帝曰好事卿宜數爲之賜以上尊已而辭官養親至正五年除食河南廉訪

司事六年轉淮東改宣文閣監書博士兼經筵譯文

官七年遷右司都事八年陞左司員外郎遷參議樞密院事陞樞密院判官九年轉河西廉訪使未上改

禮部尚書會開端本堂皇太子就學召賜爲贊善未

幾遷翰林直學士同修國史俄以疾辭十年遷四川

行省參知政事十二年除刑部尚書十五年再除刑

部尚書凡三遷皆以疾辭十七年授集賢學士兼國

子祭酒不起以集賢學士資德大夫致仕卒

明

歸思

按萬姓統譜思祥符人洪武中以人材任知府

歸仁

按萬姓統譜仁嘉興人永樂間刑部主事

歸鳳

按崑山縣志鳳字應韶成化十年鄉貢城武知縣

歸鉞

按名山藏鉞吳人早喪母父更娶後妻生子後妻輒譖鉞以怒父父手擊鉞後母謂父徒手費力提大杖杖之家貧食不足炊將熟母即譏數鉞父怒逐出之鉞不得食而後母子得以飽鉞數困匍匐道中以歸父母相與言曰有子不歸家在外作賊耳又復痛杖之鉞時依依戶外欲入不敢俛首淚下鄰里莫不憐之父卒後母獨與子居鉞撫不得見因販鹽市中時時從其弟起居數致甘鮮正德中歲大饑後母不能活鉞涕泣迎養後母後母內慙顧感鉞誠即就養

鉞得食先弟後己已恆饑弟尋死鉞事後母無間鉞少饑餓面黃體瘠人呼爲菜大人

歸繡

按明外史歸鉞傳鉞族子繡亦販鹽與二弟紋緯友受緯數犯法繡輒罄貲護之終無愾容繡妻朱製衣必三襲曰二叔無室豈可使郎君獨暖耶里人稱鉞繡爲歸氏二孝子

歸本

按崑山縣志本字有源紹興府經歷

歸有光

按明外史歸有光傳有光字熙甫崑山人九歲能屬文弱冠盡通五經三史諸書嘉靖十九年舉鄉試八上春官不第徙居嘉定安亭江上讀書談道學徒常數百人稱爲震川先生四十四年始成進士授長興知縣用古教化爲治大吏令不便輒寢閣不行大吏多惡之論調順德通判專轄馬政隆慶四年大學士高拱趙貞吉引爲南京太僕丞留掌內閣制敕房修世宗實錄卒官有光爲古文原本經術好太史公書得其神理時王世貞主盟文壇有光力相砥排目爲妄庸巨子世貞大憾其後亦心折有光爲之贊曰千載有公繼韓歐陽余豈異趨久而自傷其推重如此

歸有陞

按嘉定縣志有陞字晉父貧而好行其德囊一剩錢瓶一溢米輒以施人道拾遺金低徊其旁不能去以俟遺者至而還之少嘗割股療親事後母不異所生好律曆農圃醫卜之學嘗列肆賣卜自比嚴君平云

歸可正

按嘉定縣志可正字端甫縣學生嘉靖甲寅烏裔薄城可正家城外扶母走匿草中賊追至俱被執可正願以身全母命賊不許遂并遇害知縣萬思謙表其閭曰孝子之門

歸子墓

按明外史歸有光傳有光少子子慕字季思舉萬曆十九年鄉試再被放即屏居江村讀書其中與無錫高攀龍最善歿巡按御史祁彪佳請於朝贈翰林待詔

歸子顧

按嘉定縣志子顧字貞復萬曆戊戌進士由中書舍人遷工科給事中章凡連上上嘗題歸佛子三字於御屏蓋京師以子顧恬澹寡欲呼為佛子語微禁中故也天啓初遷南京太常寺卿旋轉南京通政南京刑部左侍郎遂辭任歸子顧為震川族子其文章師法震川所著詩文甚富

歸璘

按嘉定縣志璘神清如玉嗜學工文因母喪呼號骨立竟致不起

衣姓部彙考

鄭樵通志

平聲

衣氏出姓苑

王應麟姓氏急就篇

衣氏

衣氏見姓苑中庸注齊人言殷聲如衣今姓有衣者殷之冑歟

衣姓部列傳

明

衣勉仁

按萬姓統譜勉仁棲霞人萬曆間陝西涼州衛經歷

衣祐

按萬姓統譜祐鰲山人萬曆間華亭丞

衣守信

按棲霞縣志守信號復齋邑庠生郭落莊社人大度能容橫逆至杜門不與較發憤為雄嚴以教子其子惟孝官少叅孫璟如成進士漢中司李

衣守智

按棲霞縣志守智淮安經歷

衣惟孝

按棲霞縣志惟孝通判歷陞甘肅密雲河間道

衣潤身

按棲霞縣志潤身守智之子監生

衣永美

按棲霞縣志永美三原驛丞

衣璟如

按棲霞縣志璟如崇禎十五年壬午舉人

衣應運

按棲霞縣志應運授膠州訓陞掖縣諭

衣福

按臨朐縣志福南淮大使

衣思德

按冠縣志思德考授縣丞

飛姓部彙考

凌迪知萬姓統譜

飛姓

商有飛廉顓頊之裔

飛姓部列傳

商

飛廉

按孟子注飛廉紂諛臣

周

飛衛

按列子甘蠅古之善射者數弓而獸伏鳥下弟子名飛衛學射於甘蠅而巧過其師紀昌者又學射於飛衛飛衛曰爾先學不瞬而後可言射矣紀昌歸偃臥

其妻之機下以目承牽挺二年之後雖雖末倒背而不瞬也以告飛衛飛衛曰未也亞學視而後可視小如大視微如著而後告我昌以驚懸風於牖南面而望之旬日之間浸大也三年之後如車輪焉以觀餘物皆丘山也乃以燕角之弧朔蓬之鋒射之貫風之心而懸不絕以告飛衛飛衛高蹈拊膺曰汝得之矣紀昌既盡衛之術計天下之敵己者一人而已乃謀殺飛衛相遇於野二人交射中路矢鋒相觸而墜於地而塵不揚飛衛之矢先窮紀昌遺一矢既發飛衛以棘刺之端扞之而無差焉於是二千泣而投弓相拜於塗請為父子尅臂以誓不得告術於人

宋

飛英

按萬姓統譜英凌儀人朝奉郎

明

飛瀑

按奇姓通瀑城固人永樂中戶部郎中

肥姓部彙考

鄭樵通志

以鄉為氏

肥氏恐其先有封於肥鄉者戰國策趙賢人肥義之後風俗通云漢有肥韶英布將肥赫又仁恕掾肥親

肥姓部列傳

周

肥義

按史記趙世家武靈王立聽政先問先王貴臣肥義加其秩

漢

肥赫

按風俗通英布將肥赫按史記漢書俱作貴赫

肥韶

按風俗通漢有肥韶

肥誠

按萬姓統譜誠漢人

後漢

肥親

按後漢書魯恭傳恭拜中牟令建初七年郡國螟傷稼犬牙緣界不入中牟河南尹袁安聞之疑其不實使仁恕掾肥親往廉之恭隨行阡陌俱坐桑下有雉過止其傍傍有童兒親曰兒何不捕之兒言雉方將雛親矍然而起與恭訣曰所以來者欲察君之政跡耳今蟲不犯境此一異也化及鳥獸此二異也豎子有仁心此三異也久留徒攬賢者耳還府具以狀白安

幾姓部彙考

鄭樵通志

以名為氏宋人名

幾氏風俗通宋大夫仲幾之後以王父字為氏臣謹按幾氏子姓仲幾字子然此以名為氏者

幾姓部列傳

周

幾瑟

按戰國策韓公叔與幾瑟爭國鄭彊為楚王使于韓矯以新城陽人命世子注爭國爭立為相

非姓部彙考

凌迪知萬姓統譜

非姓

非見姓苑

非姓部列傳

周

非子

按風俗通非子伯益之後

漢

非調

按奇姓通漢光祿大夫非調

賁姓部彙考

鄭樵通志

以字爲氏 月人字

賁氏縣賁父之後風俗通魯有賁浦賁音奔又音肥

漢功臣表賁赫

平聲

賁氏音肥羸姓風俗通秦非子之後漢功臣表賁赫告黥布反封期思侯

賁姓部列傳

周

賁浦

按風俗通魯有賁浦

漢

賁赫

按史記黥布傳十一年誅淮陰侯布心恐夏誅彭越因大恐陰令人部聚兵布所幸姬就醫醫家與中大夫賁赫對門赫厚餽遺從姬飲醫家姬侍王語次譽

赫長者也王怒疑與亂赫恐詣長安上變布遂族赫發兵反布滅封赫爲期思侯

賁充

按漢書功臣表元康四年赫元孫壽春大夫充詔復家

賁麗

賁麗

按漢書翟方進傳方進爲相綏和二年春樊噲守心方進憂之不知所出會鄭賁麗善爲星言大臣宜當之上迺召見方進方進即日自殺

賁生

按漢書韓嬰傳嬰推詩人之意作內外傳數萬言淮南賁生受之

明

賁勝

按萬姓統譜勝膠州人宣德間建寧千戶

希姓部列傳

周

希寫

按戰國策希寫見建信君建信君曰文信侯之於僕也甚無禮秦使人來仕僕官之丞相爵五大夫文信侯之於僕也甚矣其無禮也希寫曰臣以爲今世用事者不如商賈建信君勃然曰足下卑用事者而高商賈乎曰不然夫良商不與人爭買賣之賈而謹司時時賤而買雖貴已賤矣時貴而賣雖賤已貴矣昔

者文王拘于羑里而武王羈於王門卒斬紂之頭而懸於太白者是武王之功也今君不能與文信侯相抗以權而責文信侯少禮臣竊爲君不取也

希卑

按戰國策秦攻趙鼓鐸之音聞於北堂希卑曰夫秦之攻趙不宜急如此召兵也必有大臣欲衡者耳王欲知其人旦日贊群臣而訪之先言衡者則其人也建信君果先言衡

漢

希海

按三輔決錄海字子江

宋

希續

按奇姓通續字紀常神宗元豐間爲淮南發運副使行已有堅操坐元祐黨

希習

按奇姓通宋有進士希習南充人

希昔

按萬姓統譜昔儀隴人嘉慶進士

希德

按萬姓統譜德儀隴人嘉慶進士

依姓威姓畿姓旂姓泥姓稀姓暉姓微姓部彙考
國語

晉語 依姓

秦伯召公子於楚楚子厚幣以送公子於秦秦伯歸女五人懷贏與焉公子使奉匜沃盥既而揮之贏怒曰秦晉匹也何以卑我公子懼降服因命秦伯見公子曰寡人之適此爲才子圉之辱備嬪嬙焉欲以成婚而懼離其惡名非此則無故不敢以禮致之歡之故也公子有辱寡人之罪唯命是聽公子欲辭司空季子曰同姓爲兄弟黃帝之子二十五人其同姓者二人而已唯青陽與夷鼓皆爲己姓青陽方雷氏之甥也夷鼓彤魚氏之甥也其同生而異姓者四母之子別爲十二姓凡黃帝之子二十五宗其得姓者十四人爲十二姓姬酉祁己滕箴任荀偃佶偁依是也鄭樵通志

以諡爲氏

威氏媯姓風俗通云齊威王之後以爲田氏始王故其後以爲氏今望出南安

外國大姓

畿氏後魏官氏志侯畿氏改爲畿氏

凌迪知萬姓統譜

旂姓

旂見氏族志

泥姓

泥邑名廬江

稀姓

稀見姓苑

暉姓

暉見直音

微姓

微見姓苑

欽定古今圖書集成明倫彙編氏族典

第五十五卷目錄

魚姓部彙考

鄭樵通志以字爲氏

廖用賢尚友錄魚姓

魚姓部列傳

周

魚石

魚府

漢

魚翁叔

魏

魚參

晉

魚佩

齊

魚文

梁

魚天愍

魚容

魚弘

隋

魚慶則

魚俱羅

魚贊

唐

魚思賢

魚朝恩

魚令微

魚孟威

魚保家

魚承仙

宋

魚崇諒

魚康伯

魚潛

明

魚侃

魚躍

徐姓部彙考

左傳定公四年

史記秦本紀贊

唐書宰相世系表

韓昌黎集衢州徐偃王廟碑

陸法言廣韻徐

鄭樵通志以國爲氏同名異實

廖用賢尚友錄徐姓

徐姓部列傳一

周

徐馮

徐辟

徐越

徐弱

徐公

徐尚

秦

徐市

漢

徐厲

徐悼

徐生

徐偃祝茲

徐盧

徐偃膠西

徐公

徐延

徐襄

徐良

徐纏

徐光

徐福

後漢

徐防

徐巡

徐栩

徐引

徐璆

徐庶

魏

徐奕

徐宣

徐幹

徐卻

吳

徐盛

徐原

晉

徐苗

徐寧

徐邈

徐義

徐嵩

徐浩

徐甲

徐敖

徐樂

徐匡

徐幹

徐穉

徐淑

徐登

徐見

徐邈

徐華

徐詳

徐澄之

徐藻

徐廣

徐成

徐衆

氏族第五十五卷

魚姓部彙考

鄭樵通志

以字爲氏 宋人字

魚氏子姓風俗通云宋桓公子公子目夷字子魚子孫以王父字爲氏漢有長安富人魚翁叔唐有魚朝恩朱朝有御史中丞魚周詢開封人

廖用賢尚友錄

魚姓

魚屬門羽首

叔之屬交私

魏

魚參

按唐書藝文志魚參魏略五十卷 按萬姓統譜參魏人

晉

魚佩

按萬姓統譜佩爲長清令清勁貞白朝廷下詔旌之

魚遵

按前秦錄遵馮翊人也洪稱秦王以遵爲右將軍領右長史健代洪統衆時杜洪據長安健規取之悉衆而西以遵爲前鋒行至盟津爲浮橋以濟所過城邑無不降附健即位論功以遵爲太子太師俄遷左僕射司空及賞拒桓溫功進爲太尉健寢疾以遵爲太師錄尚書事受遺輔政生夢大魚食蒲又長安諸東海大魚化爲龍男皆爲王女爲公乃誅遵并其七十孫追諡曰廣寧公

南齊

魚文

按萬姓統譜文齊將軍

梁

魚天恩

按梁書陳慶之傳大通初魏北海王元顥來降求立爲魏主高祖納之以慶之爲假節驍勇將軍送元顥還北魏據榮陽壯士義興魚天恩踰堞而入遂克之

魚容

按萬姓統譜容梁人性侈靡以象牙沈檀爲牀金蓮花捧琥珀龜支

魚弘

按姓氏急就篇梁有魚弘

隋

魚慶則

按隋書虞慶則傳慶則京兆樸陽人也本姓魚其先仕於赫連氏遂家靈武代爲北邊豪傑慶則幼雄毅性個儻有膽氣善鮮卑語初以弋獵爲事中便折節讀書仕周釋褐中外府行參軍稍遷外兵參軍事襲爵沁源縣公宣政元年授儀同大將軍除并州總管長史二年授開府拜石州總管甚有威惠境內清肅開皇元年進位大將軍遷內史監吏部尚書京兆尹封彭城郡公管新都總監二年遷尚書右僕射授上柱國封魯國公九年轉爲右衛大將軍尋改爲右武侯大將軍十七年爲桂州道行軍總管以婦弟趙什柱爲隨府長史什柱與慶則愛妾通恐事彰因告慶則謀反慶則於是伏誅

魚俱羅

按隋書魚俱羅傳俱羅馮翊下邳人也身長八尺臂力絕人言聞數百步弱冠爲親衛累遷大都督從晉王廣平陳以功拜開府每戰有功加上開府高唐縣公拜疊州總管母憂去職還至扶風會楊素率兵擊突厥路逢俱羅同行以功進位柱國拜豐州總管轉爲安州刺史歲餘遷趙郡太守後因朝集至東都御史劾俱羅以郡將交通內臣帝大怒坐除名未幾越嵩飛山蠻作亂詔俱羅白衣領將大業九年重征高麗以爲碣石道軍將及還江南劉元進作亂詔俱羅將兵向會稽諸郡逐捕之時東都都飢饉穀食踊貴俱

按漢書張湯傳湯始爲小吏與長安富賈田甲魚翁

魚翁叔

漢

按左傳成公十五年秋八月魚府爲少宰

魚府

按左傳成公十五年秋八月魚石爲左師

魚石

周

魚姓部列傳

羅遣家僕將船米至東都糶之益市財貨潛迎諸子朝廷恐其有異志發使案驗俱羅相表異人目有重瞳陰爲帝之所忌于是斬東都市家口籍沒

魚鱗

按隋書魚俱羅傳初煬帝在藩俱羅弟贊以左右從累遷大都督及帝嗣位拜車騎將軍贊性凶暴虐其部下令左右炙肉遇不中意以籤刺瞎其眼有溫酒不適者立斷其舌帝以贊藩邸之舊不忍加誅令自爲計贊至家飲藥而死

唐

魚思賢

按萬姓統譜思賢開元初任丘令開通利渠以洩陂淀入滏水得地二百餘頃百姓利之號其陂爲魚君陂

魚朝恩

按唐書魚朝恩傳朝恩瀘川人天寶末以品官
給事黃門內陰黠善宣納詔令至德初監李光進軍
京師平爲三宮檢責使以左監門衛將軍知內侍省
事九節度圍賊相州以朝恩爲觀軍容宣慰處置使
史思明攻洛陽朝恩使衛伯玉與賊戰敗之洛陽平
加開府儀同三司封馮翊郡公寶應中代宗避吐蕃
東幸朝恩悉軍奉迎帝德之更號天下觀軍容宣慰
處置使專領神策軍賞賜不涯朝恩資小人恃功岸
忽無所憚因麾下數克復竊以自高時郭子儀有定
天下功居功臣第一心媚之乘相州敗醜爲詆譖肅
宗不內其語然猶罷子儀兵畱京師代宗立與程元
振一口加毀帝未及寤子儀憂甚俄而吐蕃陷京師

卒用其刀入室再安朝恩內慙未泰中詔判國子監兼鴻臚禮賓內飛龍閣殿使封鄧國公會釋菜執易升座百官咸在言鼎有覆餗象以侵宰相元載衡之久之讓判國子監鴻臚禮賓等使加內侍監徙封韓俄兼檢校國子監元載用崔昭尹京兆厚結其黨皇甫溫周皓自是朝恩隱謀輿語悉爲帝知帝遂倚載決除之載與皓謀定以聞方寒食禁禁中旣罷將還營有詔罷議事朝恩素肥每乘小車入宮省帝聞車聲危坐戴守中書省朝恩至帝責其異圖朝恩自辨忤傲皓與左右禽絃之死年四十九

魚令徽

按唐書魚朝恩傳朝恩養息令徽爲內給使服綠與同列爭忿歸白朝恩明日見帝曰臣之子位下願得金紫在班列上帝未答有司已奉紫服於前令徽稱謝帝滋不悅

魚孟威

按萬姓統譜孟威咸通中爲桂陽刺史修靈渠以石爲鐫隄延亙四十里植大木爲斗門十八重舟楫乃通大爲民利

魚保家

按姓氏急就篇唐有魚保家

魚承仙

按萬姓統譜承仙平盧節度使按平盧節度自安祿
元志爲侯希逸爲李懷仙爲朱希珍爲朱泚爲朱
道爲劉惔爲劉潼爲劉潼爲張弘靖爲朱克融爲
李欽感爲楊志誠爲史元忠爲張仲武爲周鼎爲
張九仲爲張公巨爲李茂勳爲李可舉爲李全忠
爲李巨威爲李巨善爲李茂仁李至李守光而祿於
莊宗祖承先後歷歷可考而並無魚承仙姓名此
以承仙爲平盧節度云
可解始存以備考不

宋 魚崇諒

按宋史魚崇諒傳崇諒字仲益其先楚州山陽人後徙於陝崇諒初名崇遠後避漢祖諱改之幼能屬文弱冠相州刺史辟爲從事明宗即位秦王從榮表爲記室清泰三年爲陝州司馬仕晉歷殿中侍御史鳳翔李儼表爲觀察支使奉方物入貢宰相薦爲屯田員外郎知制誥開運末契丹入汴爲翰林學士漢祖入復知制誥俄拜翰林學士就加中書舍人隱帝即位崇諒以母老求就養除保義軍節度副使領台州刺史會舉師討三叛節度使白文珂在軍前崇諒知後事凡供軍儲備調發皆促期而辦近鎮賴之未幾召爲學士廣順初加工部侍郎以母老求解官歸俄拜禮部侍郎復爲學士不赴太宗即位詔受金紫光祿大夫尚書兵部侍郎致仕歲餘卒

魚周詢

按宋史魚周詢傳周詢字裕之開封雍丘人早孤好學舉進士中第爲大理評事歷知南華分宜靜海三縣遷太常博士通判漢州以尚書屯田員外郎知眞州徙提點荆湖南路刑獄求便郡知安州徙蔡州召爲侍御史陝西用兵科斂煩數命安撫京西路還賜緋衣銀魚爲開封府判官又使陝西刺民兵判三司理欠憑由司進起居舍人知諫院固辭乃以尚書戶部員外郎兼侍御史知雜事爲三司鹽鐵副使遷吏部員外郎擢天章閣待制知成德軍徙河北都轉運使拜右諫議大夫權御史中丞慶曆八年手詔近臣訪天下之務執政及近臣所對多疎闊仁宗頗嘉周

詢詳敏知恩州張得一誅坐失舉出知末與軍數日改知成德軍未行卒贈工部侍郎

魚康伯

按萬姓統譜康伯熙寧間知南安縣事

魚臺

按宋史韓世忠傳世忠爲左軍統制討單州賊魚臺破之

魚潛

按宋詩選小傳潛字德昭姑熟人

魚慶

按萬姓統譜慶金縣人舉賢良方正爲翼城縣丞

明

魚侃

按萬姓統譜侃字希直常熟人未樂進士歷開封知府清儉自守斷決明允請托不行咸以包老子目之

魚有沼

按萬姓統譜有沼交趾人未樂間爲左府都事

魚躍

按萬姓統譜躍膚施人正統中臨清判官

徐姓部彙考

左傳

定公四年

定公四年春三月劉文公合諸侯于召陵將長蔡於衛衛侯使祝佗私於莒弘曰聞諸道路不知信否若聞蔡將先衛信乎莒弘曰信蔡叔康叔之兄也先衛不亦可乎子魚曰以先王觀之則尚德也昔武王克商成王定之選建明德以藩屏周故周公相王室以尹天下於周爲睦分魯公以大路大旂夏后氏之璜封父之繁弱殷民六族條氏徐氏蕭氏索氏長勺氏尾勺氏使帥其宗氏輯其分族將其類醜以法則周公用卽命于周是使之職事于魯以昭周公之明德史記

秦本紀贊

秦之先爲嬴姓其後分封以國爲姓有徐氏鄭氏莒氏終黎氏運奄氏菟裘氏將梁氏黃氏江氏修魚氏白冥氏蜚廉氏秦氏唐書

宰相世系表

徐氏出自嬴姓皐陶生伯益伯益生若木夏后氏封之于徐其地下邳僮縣是也至僊王三十二世爲周所滅復封其子宗爲徐子宗十一世孫章禹爲吳所滅子孫以國爲氏章禹十三世孫詵爲秦莊襄王相生仲仲字景伯生延字方遠延生由字智卿由生該字昌言該生光字子暉漢下邳太守光生大司農靜字君安靜生益州刺史萬秋字蘭卿萬秋生左曹給事充字彥通充生諫議大夫安仁二子豐霸豐爲北

祖霸爲南祖

北祖上房徐氏豐字仲都司空掾生明明字元通侍中生遷字少卿侍中生宣宣字休敬二子琳瑞瑞字元珪下邳太守二子謨師儉師儉字世節京兆尹二子述超超字彥孫魏散騎常侍二子崇統統字耀卿晉江陽太守三子瓊瓊台字叔衡丹陽令三子禕祿祿字萬秋太子洗馬二子寧恭寧字安期吏部侍郎五子豐之實之仁之祚之育之祚之字與民祕書監三子尚之羨之欽之欽之字眞字宋丞相東莞公三子達之佩之邁之達之字幼道中書侍郎二子淳之湛之湛之字孝源丞相枝江忠烈侯二子恆之聿之恆之字景方工部郎中襲侯二子孝規孝嗣孝嗣字始昌齊太尉文忠公六子况戴稍會嘉緝高平北祖上房徐氏詵次子矩矩字弘深生邕邕字文和生廉廉字元平生則則字元度生尚尚字光漢大司農生費費字子文金威將軍東莞侯生升升生珪珪字少玉姑熟令生欽欽字思祖太中大夫生長卿長卿字德師二子萬食萬字士諧平原太守生續封字承先城門校尉二子龍惠惠字士安司空掾生曹胄字彥光本郡主簿功曹二子允訓允字仲和生鄧鄧字子頑二子訪隆訪字公謀魏鎮北將軍二子暢字彥春晉隴西內史四子沈引敷蘭蘭字石侯侍御史生澹澹字洛川長壽令生乾乾字文祚給事中生道娛道娛字道福員外郎生道祖道祖字弘業宋車騎行將軍生元英元英字智仁奉朝請生景初尚書正員外郎二子弘師弘道世居曹州離狐隔未徙滑州衛南至世勣預屬籍爲李氏武后世復舊

徐氏宰相三人商彥若世勛

韓昌黎集

衢州徐偃王廟碑

徐與秦俱出柏翳爲嬴姓國於夏殷周世咸有大功秦處西偏專用武勝遭世衰無明天子遂虎吞諸國爲雄諸國既皆入秦爲臣屬秦無所取利上下相賊害卒償其國而沈其宗徐處得地中文德爲治及偃王誕當國益除去刑爭末事凡所以君國子民待四方一出於仁義當此之時周天子穆王無道意不在天下好道士說得八龍騎之西遊同王母宴於瑤池之上歌謳忘歸四方諸侯之爭辯者無所質正咸賓祭於徐費玉帛死生之物於徐之庭者三十六國得朱弓亦矢之瑞穆王聞之恐遂稱受命造父御長驅而歸與楚連謀伐徐徐不忍闕其民北走彭城武原山下百姓隨而從之萬有餘家偃王死民號其山爲徐山鑿石爲室以祠偃王偃王雖走死失國民戴其嗣爲君如初駒王章禹祖孫相望自秦至今名公巨人繼跡史書徐氏十望其九皆本於偃王陸法言廣韻

徐

徐顓頊之後春秋時徐偃王假行仁義爲楚文王所滅其後氏焉出東海高平東莞琅邪漢陽五望鄭樵通志

以國爲氏 周吳姓國

徐氏子爵嬴姓皐陶之後也皐陶生伯益伯益佐禹有功封其子若木於徐在今徐城縣北三十里徐城并入臨淮今泗州臨淮有徐城自若木至偃王三十

二世爲周所滅復封其子宗爲徐子宗十一世孫章禹昭三十年爲吳所滅子孫以國爲氏又一族出於嬴氏十四姓之一也

同名異實

徐氏有二若木之後以國爲氏又一族出於黃帝十四姓

廖用賢尚友錄

徐姓

徐東海商音

徐姓部列傳一

周

徐馮

按淮南子王壽負書而行見徐馮於周王壽古好書之人徐馮周之隱者

徐辟

按孟子註徐辟孟子弟子

徐越

按漢書古今人表徐越中上

徐弱

按漢書古今人表徐弱中上

徐公

按戰國策鄒忌問其妻曰吾孰與城北徐公美城北徐公齊國之美麗者也

徐尚

按史記秦始皇本紀贊六國之士有寧越徐尚蘇秦杜赫之屬爲之謀

秦

徐市

按史記秦始皇本紀二十八年齊人徐市等上書言海中有三神山名曰蓬萊方丈瀛洲僊人居之請得齊戒與童男女求之於是遣徐市發童男女數千人入海求僊人

漢

徐厲

按漢書功臣表厲以舍人從沛以郎中入漢還得雍王邯家屬用常山丞相封祝茲侯十一年薨諡夷

徐悼

按漢書功臣表孝文七年祝茲康侯悼嗣二十九年薨

徐生

按漢書儒林傳魯高堂生傳士禮十七篇而魯徐生善爲頌孝文時徐生以頌爲禮官大夫傳子至孫諸言禮爲頌者由徐氏

徐偃

按漢書功臣表孝景中六年祝茲侯偃嗣九年建元六年有罪免

徐盧

按漢書功臣表盧以匈奴王降封容城侯七年薨諡攜

徐偃

按漢書儒林傳申公弟子徐偃膠西中尉

徐公

按漢書儒林傳申公以詩春秋授瑕丘江公盡能傳之免中徐公守學教授

徐延

按漢書儒林傳魯徐生善爲頌傳至孫延爲禮官大夫

徐襄

按漢書儒林傳生孫襄其資性善爲頌不能通經爲大夫至廣陵內史

徐夏

按漢書儒林傳禮有大戴小戴慶氏之學大戴授琅邪徐良序卿爲博士州牧郡守家世傳業由是大戴有徐氏之學

徐纒

按漢書功臣表建元二年容城侯纒嗣十四年薨

徐甲

按漢書高五王傳齊有宦者徐甲入事皇太后皇太后女脩成君有女娥太后欲嫁之諸侯甲請使齊令王上書請娥皇太后使甲之齊時主父偃亦謂甲即事成幸言偃女願得充王後宮甲至齊紀太后怒曰王有后後宮備具主父偃何爲者乃欲以女充後宮甲大窮還報皇太后太后曰毋復言主父偃由此與齊有隙因言齊王與姊亂治王後宮王自殺

徐光

按漢書功臣表元朔三年容城侯光嗣四十年後元二年坐祝詛上要斬

徐敖

按漢書儒林傳毛公趙人也治詩授同國貫長卿長卿授解延年延年授徐敖敖授九江陳俠由是言毛詩者本之徐敖

徐福

按漢書霍光傳初霍氏奢侈茂陵徐生上疏言霍氏泰盛陛下即愛厚之宜以時抑制無使至亡後霍氏誅滅告霍氏者皆封人爲徐生上書曰茂陵徐福數上書言霍氏且有變而獨不蒙其功唯陛下察之上乃賜福帛十疋後以爲郎

徐樂

按漢書徐樂傳樂燕郡無終人也上書曰臣聞天下之患在於土崩不在瓦解古今一也

後漢

徐防

按後漢書徐防傳防字謁卿沛國鉅人也祖父宣爲講學大夫以易教授王莽父憲亦傳宣業防少習父祖學未平中舉孝廉除爲郎防體貌矜嚴占對可觀顯宗異之特補尚書郎職典樞機周密慎奉事二帝未嘗有過和帝時稍遷司隸校尉出爲魏郡太守永元十年遷少府大司農防勤曉政事所在有迹十四年拜司空十六年拜爲司徒延平元年遷太尉與太傅張禹參錄尚書事安帝即位以定策封龍鄉侯其年以災異寇賊策免就國防卒子衡當嗣讓封於其弟崇

徐匡

按後漢書匡傳永平中車駕近出而信陽侯陰就干突禁衛車府令徐匡鈞就車收御者送獄詔書譴匡匡乃自繫良上言曰匡執法守正反下干理臣恐聖化由是而弛帝赦匡

徐巡

按後漢書儒林傳濟南徐巡師事東海衛宏後從大司空杜林受學亦以儒顯由是古學大興

徐幹

按陝西通志幹平陵人素與班超同志上疏願奮身佐超平西域遂以幹爲假司馬將弛刑及義從千人就超擊破蕃辰斬首千餘級復拜幹爲軍司馬與超大破烏孫西域五十餘國悉納質內屬焉

徐桐

按萬姓統譜桐字敬卿由舉人少爲獄吏執法詳平遷小黃令時陳留遭蝗野無遺草過小黃飛近不集刺史行部奏桐他事桐棄官蝗應聲至刺史愧謝令還舍蝗即遠去後爲長沙太守

徐穉

按後漢書徐穉傳穉字孺子豫章南昌人也家貧常自耕稼非其力不食屢辟公府不起時陳蕃爲太守以禮請署功曹穉不免之既調而退後舉有道家拜太原太守皆不就延熹二年尚書令陳蕃僕射胡廣等上疏薦穉桓帝乃以安車元纁備禮徵之不至郭林宗有母憂穉往弔之置生芻一束於廬前而去衆怪不知其故林宗曰此必徐孺子也詩不云平生芻一束其人如玉吾無德以堪之靈帝初欲蒲輪聘穉會卒年七十二

徐引

按後漢書徐穉傳穉子引字季登篤行孝悌亦隱居不仕太守華歆禮請相見固病不詣漢末寇賊縱橫皆敬引禮行轉相約敕不犯其閭建安中卒

徐淑

按謝承後漢書叔字伯進寬裕博學習孟氏易春秋公羊傳禮記周官善誦太公六韜交接英雄常有壯志

徐穆

按後漢書徐穆傳穆字孟玉廣陵海西人也父淑度遼將軍有名於邊穆少博學辟公府舉高第稍遷荆州刺史時董卓后姊子張忠爲南陽太守穆臨當之部太后遣中常侍以忠屬穆穆到州舉奏忠賊罪威風大行中平元年擊黃巾賊破之張忠構以罪免官歸家後再徵遷汝南太守轉東海相所在化行獻帝遷許以廷尉徵當詣京師道爲袁術所劫術死軍破穆還許拜太常使持節拜曹操爲丞相操以相讓穆穆不敢當卒于官

徐登

按後漢書方術傳徐登本女子化爲丈夫善爲巫術禁溪水水爲不流

徐庶

按蜀志諸葛亮傳亮身長八尺每自比於管仲樂毅時人莫之許也惟博陵崔州平穎川徐庶元直謂爲信然先主屯新野徐庶見先主先主器之謂先主曰諸葛孔明者臥龍也將軍豈願見之乎先主曰君與俱來庶曰此人可就見不可屈致也將軍宜枉駕顧之由是先主遂詣亮亮表卒琮聞曹公來遣使請降先主在樊聞之率其衆南行亮與徐庶並從爲曹公所追破獲庶母庶辭先主而指其心曰本欲與將軍共圖王霸之業者以此方寸之地也今已失老母方寸亂矣無益於事請從此別遂詣曹公

單家子少爲人報仇易今姓名仕至右中郎將御史中丞

魏

徐奕

按魏志徐奕傳奕字季才東莞人也避難江東孫策禮命之改姓名微服還本郡太祖爲司空辟爲掾屬從西征馬超軍還留奕爲丞相長史鎮撫西京稱其威信轉爲雍州刺史復還爲東曹屬出爲魏郡太守太祖征孫權徙爲留府長史魏國既建爲尚書復興選舉遷尚書令太祖征漢中魏諷等謀反中尉楊俊左遷以奕爲中尉在職數月疾篤乞退拜諫議大夫卒

徐晃

按魏志徐晃傳晃字公明河東楊人也爲郡吏從車騎將軍楊奉討賊有功拜騎都尉李郭亂長安晃說奉令與天子還洛陽奉從其計天子封晃都亭侯及至洛陽晃說奉令歸太祖太祖授晃兵拜裨將軍從征呂布破劉備又從破顏良文醜拜偏將軍功多封都亭侯從征賜頓拜橫野將軍從征張魯遷平寇將軍文帝即王位以晃爲右將軍進封遼鄉侯及踐祚進封楊侯徙封陽平侯明帝即位增邑二百井前三千一百戶性儉約畏慎將軍常遠斥候先爲不可勝然後戰以功自效終不廣交援太和元年薨諡曰壯侯子蓋嗣蓋薨子霸嗣明帝分晃戶封晃子孫二人列侯

徐宣

按魏志徐宣傳宣字寶堅廣寧海西人也避亂江東又辭孫策之命還本郡與陳矯並爲綱紀二人齊名

而私好不協然俱見器于太守陳登與登並心於太祖太祖辟爲司空掾屬除東綬發于令遷齊郡太守入爲門下督會馬超作亂大軍西征乃以宣爲左護軍留統諸軍還爲丞相東曹掾出爲魏郡太守文帝踐阼爲御史中丞賜爵關內侯徙城門校尉遷司隸校尉轉散騎常侍從至廣陵遷尚書明帝即位封津陽亭侯爲左僕射後加侍中光祿大夫車駕幸許昌總統留事青龍四年薨追贈車騎將軍諡貞侯子欽嗣

徐邈

按魏志徐邈傳邈字景山燕國薊人也太祖平河朔名爲丞相軍謀掾試守奉高令入爲東曹議令史魏國初建爲尚書郎時科禁酒而邈私飲沈醉校事趙達問以曹事邈曰中聖人達白之太祖太祖怒渡邈將軍鮮于輔進曰平日醉客謂酒清者爲聖人濁者爲賢人邈性修慎偶醉言耳竟坐得免刑後領龍西太守轉爲南安文帝踐祚歷譙相平陽安平太守穎川典農中郎將所在著稱賜爵關內侯遷撫軍大將軍軍師明帝以京州絕遠南接蜀寇以邈爲京州刺史使持節領護羌校尉討叛羌柯吾有功封都亭侯加建威將軍正始元年還爲大司農遷爲司隸校尉公事去官後爲光祿大夫數歲即拜司空邈歎曰三公論道之官無其人則缺豈可以老病忝之哉遂固辭不受嘉平元年薨子家用公禮葬諡曰穆侯子武嗣

徐幹

按魏志王粲傳北海徐幹字偉長爲司空軍謀祭酒

按屬五官將文學

徐華

按晉書徐苗傳苗曾祖華有至行嘗宿亭舍夜有神人告之亭欲崩遽出得免

徐卻

按晉書徐苗傳苗祖卻為魏尚書郎以廉直見稱

吳

徐盛

按吳志徐盛傳盛字文嚮琅邪莒人也遭亂客居吳以勇氣聞孫權統事以為別部司馬守柴桑長拒黃祖祖子射嘗率數千人攻盛盛時吏士不滿二百與相拒擊傷射吏士千餘人權以為校尉蕪湖令復討臨成南阿山賊有功從中郎將督校兵後遷建武將軍封都亭侯領廬江太守所向有功遷安東將軍封蕪湖侯後魏文帝大出有渡江之志盛建計從建業築園作薄落園上設假樓江中浮船文帝到廣陵望園愕然彌漫數百里而江水盛長便引軍退黃武中卒子楷襲爵領兵

徐詳

按吳志胡綜傳孫權為車騎將軍綜與是儀徐詳俱典軍國密事權為吳王封綜儀詳皆為亭侯權下都建業詳綜並為侍中進封鄉侯兼左右領軍徐詳者字子明吳郡烏程人也

徐原

按吳志呂岱傳岱親近吳郡徐原慷慨有才志岱知其可成賜巾襜與共言論後遂薦拔官至侍御史原性忠壯好直言岱時有得失原輒諫諍又公論之人

或以告岱岱歎曰是我所以貴德淵者也及原死岱哭之甚哀曰德淵呂岱之益友今不幸岱復於何聞過談者美之

晉

徐苗

按晉書徐苗傳苗字叔胃高密淳于人也累世相承皆以博士為郡守苗少家貧晝執鋤夜則吟誦弱冠與弟賈就博士濟南朱鈞受業遂為儒宗作五經同異評又依道家著元微論前後所造數萬言皆有義味性抗烈輕財貴義兼有知人之鑒其兄弟皆早亡撫養孤遺慈愛聞于州里鄉鄰有死者便輟耕助營棺槨門生亡於家即斂於講堂郡察孝廉州辟從事治中別駕舉異行公府五辟博士再徵並不就武惠時計吏至臺帝輒訪其安不永寧二年卒遺命濯巾澣衣榆棺雜塹露車載尸葦席瓦器而已

徐澄之

按晉書徐澄傳澄東莞姑幕人也祖澄之為州治中屬永嘉之亂遂與鄉人臧琨等率子弟并閭里士庶千餘家南渡江家於京口

徐華

按晉書桓彝傳彝常過興縣縣宰徐寧通朗博涉彝遇之欣然結交而別至都謂庾亮曰吾為卿得一佳吏部矣人所應有而不必有人所應無而不必無真海岱清士即遷吏部郎

徐藻

按晉書徐邈傳邈父藻都水使者

徐邈

按晉書徐邈傳邈東莞姑幕人也姿性端雅動行勵學博涉多聞以慎密自居少與鄉人臧壽齊名孝武帝招延儒學之士謝安舉以應選補中書舍人遷散騎常侍猶處西省前後十年每被顧問輒有獻替多所匡益甚見寵待及謝安薨論者或有異同邈固勸中書令王獻之奏加殊禮仍崇進謝石為尚書令元為徐州遷轉祠部郎中上南北郊宗廟迭毀禮皆有證據遷中書侍郎轉掌綸詔帝甚親昵之初范甯與邈皆為帝所任使共補朝廷之闕甯才素高而指心正直遂為王國寶所讒出遠郡邈孤官易危而無敢排彊族乃為自安之計會帝頗疎會稽王道子邈欲和協之從容言於帝帝納焉時皇太子尚幼帝甚鍾心文武之選皆一時之俊以邈為前衛率領本郡大中正授太子經邈雖在東宮猶朝夕入見參綜朝政脩飾文詔拾遺補闕劬勞左右帝嘉其謹密方之於金霍有託重之意安帝即位拜驍騎將軍隆安元年遭父憂邈先疾患因哀毀增篤不踰年而卒年五十四

徐廣

按晉書徐廣傳廣字野民東莞姑幕人侍中邈之弟也謝元為兗州辟從事譙王恬為鎮北補參軍孝武世除祕書郎典校祕書轉員外散騎侍郎仍領校書尚書令王珣深相欽重舉為祠部郎會稽世子元顯引為中軍參軍遷領軍長史桓元輔政以為大將軍文學祭酒義熙初奉詔撰車服儀注除鎮軍諮議領記室封樂成侯轉員外散騎常侍領著作尚書勅撰國史遷驍騎將軍領徐州大中正轉正員常侍大司